

金華黃先生文集

金華黃先生文集卷第四

續藁一

樂章

臨川危素編次

番易劉耳校正

三皇廟樂章

降神

黃鍾宮三成

之曲九變

於皇三聖神化無方繼天立極垂憲百王聿崇明祀率由舊章
靈兮來下休有烈光

降神

大呂角三成

之曲

帝德在人日用不知神之在天矧可度思辰良日吉歲事有儀
感以至誠尚右享之

降神

太簇徵三成

之曲

大道之行肇自古先功烈所加何千萬年是尊是奉執事孔虔
神哉沛兮泠風馭然

降神

應鍾羽二成

之曲

雅奏告成神斯降格安安有位清廟奕奕彤饗潛通豐融烜赫
我其承之百世無斁

初獻盥洗

姑洗宮

之曲

靈旂戾止式燕以寧吉蠲致享惟寅惟清挹彼注茲沃盥而升
有孚顙若交于神明

初獻升殿

南呂宮

之曲

齊明盛服恪恭命祀洋洋在上匪遠具邇左右周旋陟降庭止
式禮莫愆用介多祉

奠幣

南呂宮

之曲

駿奔在列品物咸備禮嚴載見式陳量幣惟茲篚實肅將忱意
靈兮安留成我熙事

捧俎

姑洗宮

之曲

我祀如何有性在滌既全且潔為俎孔碩以將以享其儀不忒神其迪嘗純嘏是錫

初獻盥洗

與前同

初獻升殿

與前同

太皞必犧氏位酌獻

南呂宮

之曲

五德之首巍巍聖神八卦有作誕開我人物無能稱玄酒在罇

歌監于茲惟德是親

炎帝神農氏位酌獻

南呂宮

之曲

耒耨之利人賴以生鼓腹含哺帝力難名欲報之德黍稷非馨

著言碩之享于克誠

黃帝有熊氏位酌獻

南呂宮

之曲

為衣為裳法乾效坤三辰順序萬國來賓典祀有常多儀具陳
純精罔達匪藉彌文

配位酌獻

南呂宮

之曲

三聖儼臨孰侑其食惟爾有神同功合德丕擁靈休留娛嘉席
歷世昭配永永無極

亞獻終獻

之曲

緩節安歌載升貳觴禮成三終申薦令芳凡百有職罔敢怠遑
神其醉止欣欣樂康

徹豆

南呂宮

之曲

蓬豆有踐殷薦亶時禮文既洽廢徹不遲慎終如始進退無違
神其祚我綏以繁釐

送神

黃鍾宮

之曲

夜如何其明星煌煌靈逝弗留颺舉雲翔瞻望靡及德音不忘
庶回景况發為禎祥

望瘞

姑洗宮

之曲

工祝致告禮脩樂終加牲無幣訖薤愈恭精誠斯罄惠澤無窮
儲休錫羨萬福永崇

五言古詩

金華北山紀遊

靈源

偶為山中遊遠過雲關宿蒼燈閃初夜雨氣蒸深屋時聞清梵
音窈眇松林曲

草堂

迢迢上方界水木翳清景山深不可留日暮衣裳冷悽其懷昔

遊百歲嗟俄頃

三洞

仙山高不極萬古積蒼翠清興薄暮移遺迹洞天秘巖阿春寂
寥群仙勿予遲

鹿田

披榛度空荒突兀崖寺古幽花雜紅白老屋亞雲雨前瞻石徑
微咫尺不得取

寶峯

下山復上山躡屨行沮洳宿雲冒長嶺旭日映高樹山僧亦何
為獨向城闌去

潛岳

潘公入陳迹閔丘壑草生春晝長鳥啼巖花落神交千載

上未敢付冥漠

山橋

行行指木末路遂飛雲上時登巨石憇共聽春泉響尋源竟莫窮即事成幽賞

寶石

暮投招提境明發首歸路舉頭望山椒遙認經行處重重巖壑間蒼然正煙霧

中秋會宿浦陽江上分韻得仰字

嘗窺仙華錄勝踐心所仰蹉跎二十秋故爾勞夢想名談出邂逅高槩餘佛彷彿至月仍圓別來山似長百年空中絮此會知難兩欲去吾未能不飲君宜強露蔓多夕滋風竹留晚響岐路方悠悠云何稅塵鞅

龍山九日

贊邑滄海溼彌年窘將迎屬茲九日至緬愛龍山名欣然得勝
踐況乃群彦并碧蘿引幽策涼泉度飛觥志適形可忘神舒體
愈輕鄙劣竟何取醜顏結華纓登高謝能賦徇祿輒歸耕幸此
農事休萬寶咸告成庶竭一餉樂持用誇昇平日出衆山靜天
空夕雲驚先民貴無荒簡書今有程悵焉難久留振袂松風生
石臺分韻得下字

蒼山面長溪勢若飲奔馬層臺躋其脊萬古淝蕭洒登臨茲維
要朋來未云寡迨迨歷榛莽靡靡眺原野白雲與翠霧魚在履
屐下窮秋向搖落霜菊故堪把賞心孰無同幽抱欣已寫千載
如可期銘山溪來者

四明送王學正歸里

昔者鄭廣文局東老一官今君去冷署春花映紅顏才名世
有遇合古所難行矣高其翔青雲承羽翰下語翩翩子毋庸悔
儒冠

出門送君歸君歸幾百里揚帆東海頭弭棹雙溪尾却觀雙溪
流去作東海水沄沄竟日夜萬古無窮已問胡能爾爲有本固
如是

相君鄉先達盛業垂千春邈茲異代後世胄方詵詵誰移玉樹
枝遠挿滄海濱優哉郡文學鄧禹終笑人公侯久將復錦衣何
時新

送楊學正歸餘姚

舜江吾舊游風物殊不惡江水天際來宛宛帶郊郭雲帆渺沙
溆翠嶂森樓閣別離不可念此日忽已昨想見春水生煙柳仍

濯濯君胡久去此三徑獨盤礴空齋耿燈火月冷潮聲落近聞
故人書遠致江上作白駒幸無遐淮陽詎云薄招要忻良會綠
酒春可酌采芹有遺篇風雲多新樂因君訊同志何用慰離索

題松聲樓

長松四簷間落落無與伍天清嘯歌發肯作兒女語道人有真
聽無迎亦無拒尚不知有耳況覓聲處所起視南山高明月在
庭戶應念朝市人聞雞走風雨

雍熙僧舍偶書

幽窻悄無寐落葉不可數風驚葉間露中霄聽成雨起視天正
碧萬里若岳宇茲予亦何為兀兀守環堵

奉府帖賜高年帛晚宿孝義山中賦

捧檄去州邑承筐布明恩詎敢期稅駕惟知懼乘軒時春雨新

已嘉木陰正繁農人有耕作羽蟲亦飛翻感彼物情適念此王
事敦悠悠迫長路靡靡窮郊原庶與遺老逢幸聆長者言持以
薦芹曝無慙貴丘園低徊白日晚寂寞蒼山根吾行匪游衍此
懷誰與論

遊西山同項可立宿靈隱西菴

薄遊厭人境振策窮幽躅理公所開鑿遺迹在巖麓秋抄霜葉
丹石面寒泉綠仰窺條上猿攀蘿去相逐物情一何適人事有
羈束却過猊峯迴遙望松林曲前山夜來雨濕雲漲崖谷縹緲
辨朱甍禪房帶脩竹故人丹丘彦抱被能同宿名篇聊一詠異
書欣共讀蹉跎未聞道黽勉尚干祿夙有丘壑期吾居幾時卜
送祝蕃遠北上

春風吹九衢早早桃李門明堂待松栢未失山林尊相逢今歲

寒是事無深論念子抱遠志此道夙所敦刊條落其葉將使見
本根痛恨日月微毅然闢浮雲奈何夸毗子聚訟生紛紜瀛洲
富才彥冠蓋如雲屯去去當遇合美價傾璵璠惟須用卿法力
行尊所聞丈夫必有事寤

主在一言上以裨聖學下以安元元我如鶴俛啄豈復思乘
軒子如搏風鵬本是天池鯨棲棲文學掾平世何足云勗哉保
令德契闊期無諼

陳孝子詩

南仲抗陳氏斗龍父所家臨百丈溪父書傳考亭夫亦人之
子胡獨以孝稱維仲適母盛王實生寧馨盛謂我已出無殊祝
螟蛉仲父諱弗言王卒不自明睠然舍之去呱呱聞泣聲年運
日已往頭角稍崢嶸顓天乞殞滅願以益父齡父歿盛亦亡弔

影傷孤榮或乃告之故曰汝王所生王居清湖上去此無十程
時仲新捧檄精廬擬橫經悲號棄其官肩輿親奉迎安知世代
易人非餘故城隣有鶴髮嫗叩之父始謦言我與汝母少小俱
嫗嫗汝母生汝歸去作江東行不知今在無老我猶零丁仲也
聞益悲羸糧事晨征六年困逆旅冷雨啼青燈辭彼無母雛投
林輒長鳴永豐有施氏大屋深重局於焉得母處一夕相合并
母子更抱持淚如九河傾三日負母還盜賊方搶攘倉黃與之
遇白刃紛交橫頓首前致辭覲縷陳衷誠能令激高義相戒勿
敢驚仲昔以至行上天降休楨靈鴈既群集嘉瓜復冬榮區區
彼蟲蟲豈遂無人情聖門語純孝厥有閔與曾未聞樹奇節謠
誦傳轟轟此道古或希此事今可徵我歌雖云俚庶感蚩蚩氓

上京道中雜詩

發大都

辭親獨行邁遙遙抵京國胡為突不黔驅馬更遠適
至尊有時巡樹羽殷阡陌宿衛必近臣顧問須耆德陋儒亦何
知冗從同執戟草深原野青雨暗關塞黑寥寥盛年意眷眷游
子色一身萬人中敢不思努力

劉蕡祠堂

劉君古遺直祠堂在丘園嗟此豪俠窟文雄歛孤騫平生二三
策匪徼明主恩瑣瑣談得失無乃市井言憑高一長望苦殿車
馬喧微風過疎雨青山滿前軒陰晴倏異態浮雲實無根悠悠
千載心去去勿復言

居庸關

連山東北趨中斷忽如鑿萬古爭一門天險不可薄

聖人大無外善閉非捷鑰車行已方軌關吏徒擊柝居民動成市廬井互聯絡幽龕白雲聚石磴清泉落地雖臨要衝俗乃近淳朴政須記桃源不必銘劒閣僕夫跼謂我無為久淹泊山川豈不好但恐風雨惡

榆林

崇崇道旁土云是古長城却尋長城窟飲馬水不腥斯人亦何幸生時屬休明向來邊陲地見今風塵清永忝被行路牛羊散郊垆儒臣忝載筆

帝力猗難名

槍竿嶺

憶昔賜第歸吾母適初度蹉跎歲年晚今辰乃中路居人誇具慶游子慙叱馭茲山稱最高揚鞭入煙霧轟轟多峭峯濛濛饒

雜樹崎嶇共攀援
躑躅頻返顧陳情未成表
登高詎能賦獨憐
山下水遠向瀘溝去

李老谷

緣崖一徑微入谷
雙庵窄密林日易曛
况乃雲雨積行人望煙
火客舍依山色家僮為
張燈野老煩避席未覺
風俗殊祗驚聞
河隔嚴程不可緩子規
勿勸客

赤城

雞鳴秣吾馬晚飯山中行
何以慰旅懷赤城有嘉名
灘長石齒齒樹細風泠泠
時見巖壑間繁若丹砂明
溫泉發其陽撫訶勤
百靈前峯指金闕真境標
珠庭白道人跡稀青崖雲
氣生信美
無少留緬焉起深情

龍門